

Por la Plata dla Ploania nr. 27, dai 29 de ma ai 5 de jügn, vëgnel sposté dant le termo da ti mené ala redaziun les informaziuns da publiché tla plata al dedemesaledema, 1 de jügn, dales 20.00.

COMUN: En domënia, ai 29 de má, é da jí a lité (referendum dla Provinzia). Chir'isse bele sègn la cherta da lité. Sc'i ne la ciafëis nia plü o sc'ara é bele timbrada deplëgn, podëise passé l'edema dan les lites te Comun tratan les ores d'ofize a ves lascé fá na cherta nòia.

Tl paisc da San Martin sarál da sègn inant da jí a lité tl salf di stödafeuch.

SANITÉ: La doturia Grete Mählknecht é demez dai 23 ai 27 de ma y vëgn sostituida dal dotur Santonicito, Al Plan, 351 92 08 697.

SAN MARTIN Y LUNGIARÜ

Che é pa che dëida tla preparaziun ai Sacramënc? Vigni sorvisc é prezius, al costa dediziun y tēmp, mo al dá ligrēza y benedisciun. Por le sorvisc de preparaziun ai Sacramënc (Bato,pröma Comuniun, Crejima) vëgnel pité na formaziun sceria da d'altonn tres la Unité pastorala Val Badia. Por informaziuns y iscriziun al curs telefonede a Annamaria Fiung 347 5277810 cina ala fin de jügn. I aspetun do osta cherdada.

N de interessant tl Seminar da Porsenú ai 28 de ma 2022: Le Seminar cun siur Markus Moling invieia jog y ëi interesciá da passé n de deboriada cun n bel programm, la sabeda ai 28 de ma. Da se informé y prenoté al tel.0472/271100.

Conzert d'aisciöda dla Musiga da San Martin: Düc i amanc y apascioná dla musiga é bel invia al conzert tradizional d'aisciöda en sabeda, ai 28 de ma, dales 20.30 tl gran salf a San Martin. Al sará da aldí n program desvalí de döes perts, cun cianties tradizionales y ince melodies plü modernes. I Ves aspetun cun gran ligrēza!

LUNGIARÜ

I orun ester Dijia via de Dî, che é sön tru. I orun tigní alta l' usanza da jí cun crusc, olá che i se metun tles mans dl Signur che vá sö a Cil cun döt ci che se stá a cör.

La Ciamena dal quant a Piculin é indô daverta la jöbia dales 14.00 ales 16.00.

La Scora de Musiga Val Badia invieia al conzert de concluiun te dlijia y defora le lönesc, ai 30 de ma a Al Plan dales 17.00 te dlijia y dales 18.00 sön paiun, cun melodies y toc musical dles scolares y di scholars dla Scora de Musiga.

Le Sci Club d'Al Plan invieia düc i atlec, geniturs, sostignidus y interessá ala reuniun generala en vëndres, ai 27 de ma, dales 20.00, tl salf dla Cassa Raiffeisen a Al Plan. Te chësta ocasiun vëgnel tut sö les iscriziuns por la proscima sajun y lité le comité nü.



Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunita

22.05. - 29.05.22 nr. 26

ultimo termo por comunicaziuns: jöbia, dales 20.00

6ª DOMÈNIA DE PASCA - C

Vangele do Jan 14, 31–23-29

Te chël tēmp à dit Gejù a sü discepui: Sce un m'ô bun, se tignaral a mia parora; mi Pere ti orarà bun y nos gnarun da d'ël y abitarun pro d'ël. Chël che ne m'ô nia bun, ne se tēgn nia a mia parora. Y la parora che os aldis, ne vëgn nia da mè, mo dal Pere, che m'à menè. Chësc ves à dit, ciàmò tratan ch'i sun pro os. Le paraclet, le Spirit Sant, che le Pere menarà te mi inom, chël ves insignarà döt y ves recordarà döt ci ch'i ves à dit. I ves lasci la pêsc, i ves dà mia pêsc; nia sciöche le monn la dà, ves la dà. Osc cör ne dess nia se desturbé y ne dess nia s'la odëi. Os ëis aldí, ch'i ves à dit: I m'un va y i vëgni indô da os. Sc'i m'oresses bun, se ralegrasses, ch'i va dal Pere; deache le Pere é plü gran co iö. I ves al à dit bele sègn, denant ch'al sozedes, por ch'i rovëise a creie, canch'al sozedarà.



Bëgn vignun pó rové te situaziuns olach'al s'la vëiga y ne sá nia plü co jí inant. I discepui sint che le tēmp ch'ai ti è jüs do a Gejù se röia. Ai s'la vëiga.

Gejù i consolëia, mo nia ma insciö ala lisiera „Ara vá pa bëgn a val' moda“, mo al ti dij „I ves lasci la pesc!“ , ince sc'i ne la sintise nia ciàmò. „Mo le Spirit ves recordarà döt ci ch'i ves á dit.“

Tles situaziuns scöres ves gnarál indô imënt ci ch'i ves á dit. I gnarëis sura sön ci ch'i ves á impormetü. I cherdarëis y confidarëis che Idí la mina buna cun os.

„Osc cör ne dess nia s'la odëi!“

Insciö ói ince iö me lascé consolé tles ries situaziuns de mia vita.

Deache la pesc tl cör é Gejù che m'á impormetü. image

EDEMA	SAN MARTIN	LUNGIARÜ	
22.05.22 6^a DOMËNIA DE PASCA	9.00 Corona de ma 9.30 Gran Mëssa por la Comunité en onú de Santa Rita da Cascia + siur Franz Sottara + Sciandro Trebo (dl ann) 19.30 Corona de ma sö Ju	7.50 Corona por + Emilia Frenes 8.15 Gran Mëssa por la Comunité 11.30 Bato de Luca Clara 15.00 Corona tla capela de S. Ojöp Fr.	 <i>Bele tl ann 1650 confrontâ le scienzié Athanase Kircher SJ la strotöra dl monn cun i orghi de dljia: Chêl Bel Dî é le costrutur y l'orghelist dl gran orghe dl monn. Chêsta manira da odêi la creaziun nes deura i edli a val' plü de gran.</i> <i>L'orghe, le stromënt musical plü compliché y plü artistich, é le re di stromënc. Al nes dëida capí l'opera de Dî y nes dá l'idea dl ordinamënt divin.</i> <i>Soné y ascuté l'orghe devënta amiraziun dla grandëza, dla varieté y dla forza d'espresciun de chësc stromënt, y tl medemo tëmp de ci che Chêl Bel Dî ó nes dí y nes lascé sintí.</i> <i>Les domënies y les festes, y tres indô danü, podunse aldí y ascuté i sonns y l'armonia de nosc orghe.</i> <i>Na domënia do mëssa, do ch'al â ringhiní fora l'ultimo acord, ti é dôes ëres jiüdes pormez al orghelist y ti â dit döt contëntes "Dilan ch'i nes êis daidé tigní domënia." Mai denant ne ti êl gnü imënt al orghelist ci faziun de consolaziun y de varijun che l'orghe pó avëi.</i> <i>L'orghe ti dá dinamica y dimenjiun ala parora de Dî, ala oraziun, al lalt y al ringraziamënt. Sûa musiga nes dëida da jí plü sot te nos instësc y tl mister de Dî. Dal'entrada nes condüj súa musiga ite tla festa, l'acompagnamënt dles cianties plü sot tles parores, y la sonada ala fin nes dá forzes nöies da jí indô tla vita da gnidé.</i> <i>Insciö stá te tröc posé la jënt te dljia cina che l'orghe á rové da soné.</i>
23.05.22 Lönesc Berto, Desider	19.30 Corona de ma a Picolin		
24.05.22 Maria dal Aiüt Dedolönesc <i>De de oraziun por la Dljia tla Cina</i>	16.00 Mëssa di scolars de ringraziamënt dla vita y suplica ++ de Tile Pedevilla 19.30 Sentada dl Consëi de Cöra		
25.05.22 Dedemesaledema Beda, Gregöre	20.00 Corona de ma a Frëina	7.30 Mëssa por vis y def. Mischi da Miscí por les Püres Animes Corona de ma	
26.05.22 Jöbia dles Crusc Filip Neri, Alvin	18.45 Cun Crusc a Bioch 19.30 Mëssa a Bioch + Hermann Burchia y + + Pescosta , Verda + Sepl Flöss d'Arzó	18.45 Cun Crusc a Bioch 19.30 Mëssa a Bioch + + Iustina y Germano Moling	
27.05.22 Vëndres dles Crusc Agostin, Bruno	19.00 Cun Crusc a Picolin 19.25 Mëssa a Picolin en onú de Sant Antone + Angelina Vanzì Baldissera	6.00 Cun Crusc a San Martin 7.30 Mëssa a San Martin en onú de Sant Ojöp Frëinadamez	
28.05.22 Sabeda dles Crusc Wilhelm, Iüst	7.30 Cun Crusc a La Pli da Longega demez 20.00 Mëssa prefestia a d'intenziun families Franz y Lena Zingerle	7.30 Cun Crusc a La Pli da Longega cun chi da S. Martin 18.30 Mëssa prefestia por familia Planatscher dl ann + Rudi Moling + Isidoro Clara, Toch	
29.05.22 FESTA DL'ASSËNZA PALSACRUSC	9.00 Corona de ma 9.30 Gran Mëssa por la Comunité + + siur Angel M. y siur Merch Graf. + Linda Winkler Agreiter + Paul y Loise Videsott 11.30 Bato de Tone Moling 19.30 Corona de ma sö Ju	7.50 Corona de ma 8.15 Gran Mëssa por la Comunité 15.00 Corona tla capela de S. Ojöp Fr.	